

MEMORIA ECONOMIKOA

Hernaniko Udaleko Zerbitzu Sozialak Erakunde Zuzendaritza Batzordeak, 2018ko irailaren 13an egingo den bilkuran Eguneko arreta zerbitzuaren araudia onartzeko.

1.- SARRERA.-

Gizarte zerbitzuetako legea.

Gizarte Zerbitzuei buruzko abenduaren 5eko 12/2008 Legeak bermatzen du Gizarte Zerbitzuen Euskal Sistemaren Prestazio eta Zerbitzuen Zorroaren prestazioak eta zerbitzuak lortzea eskubide unibertsala eta subjektiboa dela, eta eskubide hori betetzea erreklamatu ahal izango dute, administrazio-bidean eta jurisdikzio-bidean, Gizarte Zerbitzuen Euskal Sistema unibertsalizatzeko Lege horrek ezartzen duen epea amaitzen denean (2016-12-25), Gizarte Zerbitzuen Euskal Sistemaren Prestazio eta Zerbitzuen Katalogoaren zerbitzu edo prestazio ekonomiko bakoitza lortzeko baldintza orokorrak eta espezifikoak betetzen dituzten pertsona guztiek.

12/2008 Legeak, abenduaren 5ekoak, Gizarte Zerbitzuei buruzkoak, Eguneko Arretako Zerbitzua sartzen du Gizarte Zerbitzuen Euskal Sistemako Prestazio eta Zerbitzuen Katalogoan, lehen mailako arretako zerbitzu gisa (22.1.7 artikulua), eta ezartzen du udalen gizarte zerbitzuei dagokiela zerbitzu horiek eskaintzea eta betetzea.

Era berean, 185/2015 Dekretuak, urriaren 6koak, Gizarte Zerbitzuen Euskal Sistemaren prestazio eta zerbitzuen zorroari buruzkoak, horrela dio:

- 5. artikuluan: Udalek eskumena izango dute Gizarte Zerbitzuei buruzko 12/2008 Legearen 22. artikuluan zehaztutako lehen mailako arreta-zerbitzu guztiak emateko, telelaguntza zerbitzua izan ezik.
- 32. artikuluan laguntzen definizioa dator: pertsonen eskura jartzen diren baliabide formalak (zerbitzuak eta prestazioak) eta informalak (sare soziofamiliarrekoak) haien funtzionamendu indibiduala, garapena eta bizi-kalitatea hobetzeko, baita haien komunitate barruan partaidetza aktiboa, bizimodu independentea eta autonomia izan dezaten sustatzeko ere.
- eranskinean, 1.7 fitxan, eguneko arretako zerbitzuak buruzkoan, zerbitzu motak definitzean, horrela agertzen da: zerbitzu hau aldi batean edo modu iraunkorrean erabiltzeko da eta mendetasun-arriskuan edo mendetasun-egoeran dauden adinekoei (I. gradua, Mendekotasunaren Balorazio Baremoan 25etik 39ra bitarteko puntuazioa izanik) arreta ematen die.

Hernaniko Udaleko Zerbitzu Sozialak Erakundeak adinekoen eguneko arreta zerbitzua martxan jartzeko beharrezkoa du zerbitzu horrek izango duen gestio eredia eta funtzionatzeko modua martxan jarri aurretik onartzea. Udal eskumeneko gizarte-zerbitzuen antolakuntzarako eskubide hori 12/2008ko 42.1 artikulua eta 185/2015eko dekretuko 14. artikulua ematen dio.

Ondorioz eta Toki Araubidearen oinarri buruzko 7/1985 22.2 artikuluan jasotakoaren arabera, Hernaniko Udal plenoak eguneko arretako arautegi hau onartu behar du.

Zerbitzuan gehienez 15 pertsona artatuko dira goizeko 10:00etatik 13:00etara. Jangela zerbitzua eskainiko da ere bai. Ez dago garraio zerbitzua eta bakoitza bertaratuko da.

Memoria urtebeteko zerbitzuaren funtzionamendua izateko egingo da.

2.- HELBURUAK.

a) Helburu orokorra

Mendetasun-arriskuan edo mendetasun-egoeran (I. gradua, Mendekotasunaren Balorazio Baremoan 25etik 39ra bitarteko puntuazioa izanik) dauden adinekoei autonomiari eusten laguntzea eta ohiko bizi-ingurunean jarraitzen eta gizarteratzen laguntzea, isolamendu-egoerak konpentsatuz, behar izanez gero.

b) Helburu Zehatzak:

b.1) Erabiltzailearentzat

- Adinekoei harremanak eta gizarte-ekintzak garatzeko marko egokia eskaintzea.
- Adinekoa familia eta bere testuinguruan bertakotua mantentzea.
- Bere gaitasunen arabera norberaren independentziari ahalik eta gehien eutsi edo/eta ahalik eta gehien berreskuratzea.
- Gaitasun kognitiboen galera atzeratzea estimulatze teknikak erabiliz.
- Talde partaidetza sentimendua landu.
- Sozializazioa bultzatu elkarren arteko komunikazioa landuz.
- Isolamenduak dakartzen ondorioak ekidin.
- Depresio, antsietate sintomak aurea hartzea.
- Gaurkotasuna eta errealitatearekin lotura areagotu.
- Aisialdia modu positiboan bizitzea eta indartzea.
- Ariketa fisikoa eta osasunaren arteko lotura landu.
- Arreta eta memoria sendotzea.
- Komunikazioa areagotzea eta iritzia ematea indartzea.
- Sormena areagotzea ekintza anitzen bitartez.
- Herriko ekintza komunitarioetan eragile aktibo bilakatzea.
- Herriko ekintza komunitarioetan parte hartzea.
- Adinartekoen artean harremanak areagotzea.

b.2) Familiarentzat.

Araudi honetan aipatzen diren pertsonak bere ingurunean mantentzen dituzten familiei laguntza soziala eta asistentziala eskaintzea.

3.- ZERBITZUAREN ESKAINTZA. PRESTAZIOA ETA EZAUGARRIAK.

Hernaniko Udaleko Zerbitzu Sozialak Erakundeak zerbitzu publiko hau, gizarte zerbitzuetako legeak 12/2008ko legeak eta 185/2015 Dekretuak, jasotakoaren arabera zerbitzua eskainiko du. Zentroan ekintzetan, 15 pertsona gehienez artatuko dira. Mantenuan (otorduak) 30 pertsona gehienez egunean.

Zerbitzuaren prestazioak:

Zerbitzu sozialak:

- Informazioa.
- Jarraipen-balioespena.

Gizarte- eta hezkuntza-arloko eta arlo psikosozialeko esku-hartzea, egutegiaren arabera, goizez astelehenetik ostiralera, 10:00tatik 13:00ak bitartean emango da.

- Estimulazioa edo errehabilitazioa lantzeko esku-hartzea: trebetasunen garapena, eguneroko bizitzako oinarrizko jarduerak egiteko gaitasunak estimulatzeko jarduerak eta ariketa sinpleak.
- Hezitzailea, aisia, hezkuntza eta kultura - jarduerak
- Lagun egite soziala.
- Estimulazio tailerrak

Mantenua (otorduak), egunero emango da, Goiz Eguzki jangelaren ordutegiaren arabera.

4.- GIZA BALIABIDEAK.

Zerbitzua emateko behar den pertsonala da:

- Gizarte langilea: lanaldiaren %5a.
- Hezitzailea: lanaldiaren %60a. Lanpostua ez dago Plantillan, beraz, kostuaren estimazioa egiteko gizarte langilearen parekoan jarriko da.

5.- EKONOMIKO-FINANTZARIO EGOERA

A) Kostua:

Zerbitzuan hiru motatako kostuak daude, pertsonala, bere funtzionamendua izateko eta administrazio orokorreko gastuak. Kalkuluak 2018 urterako egingo dira.

1.- Pertsonala: ekintzak lanegunetan egingo dira.

	Hezitzailea	Gizarte langilea	Administrazio orokorra	Guztira €
Prezio €/orduko	29,00	43,00	-	
Orduak/egun	4	-	-	
Urtean ordu kopuru	1000	52	-	
Guztira €	29.000,00	2.236,00	5.000,00	

2.- Funtzionamendua.

- Ekintzak egiteko: 8.000,00 euro. Zerbitzuan erabiliko den materiala erosteko eta beste gastuak ekintzak egiteko. Aurreneko urtean erosketari gehiago egin behar dira materiala erosteko.
- Instalazioen mantenua: 4.000,00 euro. Azpiegituraren mantenua egiteko bai instalazioak baita erabiliko den makineria ere.
- Mantenua: 84.315,00 euro. Zerbitzuan otorduak emango dira. Bazkariaren kostua 7,7 €/ menuaren kostua, (BEZ barne).

3.- Administrazio orokorra.

Administrazio orokorreko gastuak zerbitzuari zati proportzionala egotzi behar zaio. Aurtengo Aurrekontua datuak hartuz:

$$(1) \text{ Egozte koefizientea} = \frac{\text{Zerbitzuaren Gastu Korranteak} \quad 96.315,00}{\text{Aurrekontuaren Eragiketa Arrunt guztiak} \quad 8.104.216} = 0,02$$

$$(2) \text{ Kostuaren egozpena} = \text{Egozte koefizientea} \times \text{Administrazio Orokorren Gastu Korrantea} = \\ = 0,02 \times 498.631,00 = 9.972,62$$

3.- Kostu osoa: 106.287,62 euro.

Pertsonala: 36.236,00 euro.
Funtzionamendua: 93.315 euro.
Administrazio orokorra: 9.972,62 euro.

B) Diru-sarrerak.

1.- Eguneroko arreta.

Eguneko arreta zerbitzuan 15 pertsona egongo dira. Tasa 1,00; 2,00 eta 3,00 euro egunean ordainduko dute diru-sarreraren arabera. Urtean 250 lan egunak daude. Estimaten dugu egunero 1,00 euro/pertsona ordainduko dutela. Urtean 3.750,00 euro.

2.- Otorduak

Jangelan egunero 30 pertsona egoteko tokia dago. Urtean %90eko erabiliko dela estimatzen bada eta bazkariak 3,78 euroko tasa daukala, 37.252,00 euroko diru-sarrerak egongo dira.

Aurrez ikusten diren diru-sarrera guztiak 41.002,00 euro dira.

Tasaren bidez estaltzen ez den kostua, Hernaniko Udalak ekarpenaren bitartez finantzatzen du.

6.- Generoaren gainerako eragina

Hernaniko herritarren distribuzioa Herrian dagoen proportzionaltasuna 65 urtetik gorako pertsonen artean (%57,3 emakumeak, %42,7 gizonak) .

Arautegiak ez ditu proposamenak egiten emakumezkoen eta gizonezkoen arteko berdintasuna bermatzeko, beharrezkoa ez delako. Emakumeek zerbitzua jasotzeko ez dute arazorik izaten, gizonen eta emakumeen eskubideak parean daude.

Araudiak gizon eta emakumeen arteko berdintasuna bermatzen du.

Hernani, 2018ko uztailaren 27a

Jose Leon Etxart Oiartzabal
Kudeatzailea